

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 3390 del 15/11/2025

Manà fora su Trentino Tv l program l vegn endrezà dal Comun General de Fascia

“Pedies”: en sabeda ai 15 de november vegn fora la puntata #512 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 512. I argomenc che vegn portà dant te la puntata de chesta setemèna l é:

Michelangelo Croce e Andrea Carpano, patrons di cajeli de Moena del Agritur el Mas e de Carpanolat, i à prejentà enstadì a Sèn Micel l nef formai “Cruf de Moena”. N moment de confront per rejonèr de tradizion, artejanat e autentizità de n prodot che vegn fat apontin con lat cruf; ma ence per rejonèr de comunicazion e informazion per stravardèr i avantores.

La Union Generèla di Ladins dla Dolomites l à porta dant i Minidiz ladins con argument l sport, la Olimpiades e Paralimpiades. Chisc picoi dizionères, endrezé da Daria Valentin dal ladin dolomitan al talian, franzous, todesch, ingleis e spagnol, i é stac enjigné tel chèder de n projet più gran per fèr cognoscer, en ocasion de la olimpiades da d’invern, la mendranza ladina a dut l mond.

Te la rubrica “Svampol ciatarul: jent che fèsc jerveèr sie cunst” Cristian Frigo se porta dant. Do aer irà l mond, soraldut europa del nord e America, Cristian l à metù su “Bolzano SLUSH’D” e l deida a portèr inant projec de Startup, svilupèr idees e soluzions inovatives.

I reports de chesta setemèna i é stac enjigné e porté dant da Riccardo Zanoner e Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun **AltoAdige TV – canal 11 de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)